

Tito Mboweni o kgathile tema e bohlokwa kudu go tiišo ya kgolo ya ekonomi ya Afrika Borwa

Tshwane, 13 Oktobere 2024 – Ditirelo tša Motšhelo tša Afrika Borwa (SARS) di gopola ka tsela e kgethegilego Mra. Tito Mboweni yo a tlogilego ka lefaseng la ka keno, yo a thušitšego go tiiša ekonomi ya rena le dikarolo tšeo a di ralokilego bjale ka Mmušiši wa Panka ya Risefe le Tona ya Ditšhelete, yo a ilego a šoma bokgauswi le SARS bjale ka lapa la katološo la Ditšhelete.

Mengwaga ye lesome go tloga ka 1999 go ya go 2009, e be e le Mmušiši wa Panka ya Risefe, mengwaga e lesome yeo e thulanego le mengwaga e 10 yeo e diretšwego ke mohu Mra. Pravin Gordhan bjale ka Khomišinare wa SARS. E be e le mengwaga e lesome ya tiišo ya ketapele, gommogo le Mra. Trevor Manuel bjale ka Tona ya Ditšhelete, yo a thušitšego SARS ka peakanyoleswa ya leano la yona le phetošo ya sebjalebja bjale ka taolelo ya ditseno ya maemo a lefase.

Ga gona potofolio enngwe ya mmušo yeo e bilego le tiišo ya ketapele sebaka se setelele, yeo e bego e le bohlokwa go aga temokrasi ya rena le go maatlafatša ditheo tše bjale ka SARS le Panka ya Risefe.

Khomišinare wa SARS Edward Kieswetter o gopotše Mrn. Mboweni bjale ka karolo ya moloko wa baetapele ba baswa bao ba beilego pele ntwā kgaatlhanong le kgethologanyo fao go bego go bonagala e ke gago kgonagale go fenya pušo ya bonnyane.

“Mrn. Mboweni ka boithaopo o diretše ka sehlabelo fao go bego go hlokega go fihlelela nepo ya rena ya tokologo ka go hloka kgethologano ya semorafe, bong le taelo ya temokrasi. Moloko wa gagwe o be o tsebja bjale ka "ditau tše nnyane" ka lebaka la go ba le sebete le go lwela ba bangwe. Ka lebaka le, SARS e tloga e mo reta bakeng sa ntwā ya gagwe kgaatlhanong le pušo ya bonnyane le go aga temokrasi ya rena. Boetapele bja gagwe bjale ka Tona ya Ditšhelete bo tlile ka nako e bohlokwa ka histori ya SARS morago ga ge e ile ya itemogela mathata ao a tšweletšego ka boomo le mokgwatšhomo wa tesimale wa pušo ya yona ka hlomaro ya kakanyo ya bomenetša. Ebile mohu Tona Mboweni yo a šomilego filego dikeletšo goKomiti yeo e šišintšwego ke Presidente go nthwala bjale ka Khomišinare wa SARS.

Go tloga ka Mei 2019, Ke bile le sebaka sa go šoma mmogo kgauswi le Tito Mboweni, ka ge re thomile leeto la go agaleswa SARS, morago ga sebaka sa go thopšwa ga mmušo. Ge re be re lebile dikgethong tša maloba, Tito o ile a nteletša go nhlohleletša go tšwela pele ka mošomo wo re o dirago ka SARS, o ile a gatelela bohlokwa bja go se felelwe ke tshepo ka go maatlafatša temokrasi ya rena. O be a tloga a tiišitše ka thakgaselo ya gagwe ya go thuša e sego fela maitekelo a kagoleswa eupša go kgonthiša gore SARS e ipshina kudu ka boikgantšho setšhabeng sa rena. Dikeletšo tša gagwe tša bohlale le thekgo ya go ya go ile go SARS e tagafara ya yona ya go koleka tšohle di swanetšego go lefelwa Mmušo di tla dula di gopotšwe. Se se tlile ka pejana morago ga go hlokofala ga Mrn. Gordhan, lehu la gagwe leo le le bele le sa letelwa le re utsweditše rena bjale ka SARS le setšhaba sa Afrika Borwa ka kakaretšo le re amogile moratalabo, motho yo bohlokwa gape mogale wa bohlale kudu.

Tsamaya gabotse Tito, o kgathile tema ya gago, re tšwelapele go maatlafatša dipholisi tša rena tša ditšheletebo bokgoni bja kaonafatšo ya maAfrika Borwa ka moka.”

SARS e lakatša go romela mantšu a kwelobohloko le khomotšo go lapa la ga Mboweni mabapi le go hlokofala ga Tona ya peleng ya Ditšhelete.

Hamba Kahle!

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za